



Broj: 09 -
Sarajevo: 11.10.2022. godine



IZVOD IZ IZVJEŠTAJA O RADU

**FEDERALNE UPRAVE POLICIJE
ZA SEPTEMBAR 2022. GODINE**

**ZAMJENIK DIREKTORA
GENERALNI INSPEKTOR POLICIJE**

Ensad Korman

UVOD

Shodno Zakonu o unutrašnjim poslovima Federacije Bosne i Hercegovine („Službene novine FBiH“, broj 81/14) u sastavu Federalnog ministarstva unutrašnjih poslova - Federalnog ministarstva unutarnjih poslova je Federalna uprava policije koja, kao policijski organ, obavlja policijske operativne poslove iz nadležnosti Ministarstva, a koji se odnose na sprečavanje i otkrivanje krivičnih djela: terorizma, međukantonalnog kriminala, stavljanja u promet opojnih droga i organizovanog kriminala, te pronalaženje i hvatanje počinitelja tih krivičnih djela i njihovo privođenje nadležnim organima, kao i osiguranje određenih važnih osoba i objekata Federacije.

Pored prethodno navedenog, a u skladu sa članom 31. Zakona o unutrašnjim poslovima FBiH, Uprava policije je nadležna i da:

- neposredno poduzima mjere i radnje na sprečavanju i otkrivanju krivičnih djela iz svoje nadležnosti;
- obavlja kriminalističko-tehnička vještačenja iz svoje nadležnosti;
- organizuje i neposredno osigurava određene osobe i objekte Federacije;
- priprema prijedloge ukupnog broja policijskih službenika za potrebe Uprave policije i kriterije za njihovo popunjavanje;
- raspisuje i objavljuje Interpolove, međunarodne, federalne i međukantonalne potrage;
- saraduje sa nadležnim tužiteljstvima u vezi sa krivičnim predmetima;
- obavlja i druge poslove i zadatke policije koje joj povjere sudovi i tužiteljstva u BiH;
- predlaže programe stručnog osposobljavanja i usavršavanja državnih službenika i namještenika;
- nabavlja naoružanje i opremu te druga materijalno-tehnička sredstva za potrebe Uprave policije;
- vodi statističke i operativne evidencije potrebne za obavljanje poslova iz svoje nadležnosti;
- predlaže i prati realizaciju planova o izgradnji i korištenju informacionog sistema;
- osigurava jedinstvenu obradu podataka iz nadležnosti Uprave policije;
- predlaže, organizuje i modernizuje te održava sistem veza i obavljanje poslova prijenosa zaštićenih informacija u vezi sa radom policije;
- organizuje jedinstveni sistem obavještanja potrebnog za obavljanje poslova iz svoje nadležnosti;
- sačinjava i predlaže program obrazovanja, profesionalnih obuka i naprednih kurseva za policijske službenike;
- osigurava primjenu profesionalnih i naučnih metoda u radu Uprave policije;
- koristi budžetska sredstva za rad Uprave policije;
- organizuje međunarodnu i međuagencijsku policijsku saradnju.

Izvještaj o radu Federalne uprave policije za septembar 2022. godine sačinjen je na osnovu izvještaja njenih osnovnih organizacionih jedinica, a indikatori koji su korišteni kao uporedni parametri u ovom izvještaju odnose se na isti period iz prethodne godine.

Koordinacija rada osnovnih organizacionih jedinica FUP-a vršena je kroz redovno održavanje stručnih kolegija i radnih sastanaka rukovodilaca ovih jedinica gdje su razmatrana strateška, organizacijska i operativna pitanja zajedničkog funkcionisanja, a sve sa ciljem da se

stvore pretpostavke za uspješno izvršavanje poslova i zadataka iz nadležnosti Federalne uprave policije.

Koordinacija ovih aktivnosti rezultirala je pozitivnim trendom u svim segmentima rada, kao što su borba protiv organizovanog kriminala, terorizma, zloupotreba droge, trgovine ljudima i finansijskog kriminala i drugih oblasti.

1.1. ORGANIZACIONA STRUKTURA FEDERALNE UPRAVE POLICIJE

Na osnovu odredbi Pravilnika o unutrašnjoj organizaciji, Federalna uprava policije sastavljena je od sljedećih organizacionih jedinica:

1. Kabinet direktora Uprave policije;
2. Federalna istražna služba kriminalističke policije;
3. Sektor za podršku;
4. Terenski ured Sarajevo za područje Kantona Sarajevo, Bosansko-podrinjskog kantona, Srednjobosanskog kantona i Zeničko-dobojskog kantona;
5. Terenski ured Mostar za područje Hercegovačko-neretvanskog kantona, Zapadnohercegovačkog kantona, Kantona 10 i Unsko-sanskog kantona;
6. Terenski ured Tuzla za područje Tuzlanskog i Posavskog kantona;
7. Sektor uniformisane policije;
8. Specijalna policijska jedinica;
9. Jedinica za profesionalne standarde;
10. Centar za forenzička ispitivanja, vještačenja i istraživanja;
11. Sektor za administraciju;
12. Sektor za materijalno-finansijske poslove;
13. Jedinica za internu reviziju.

Unutrašnja organizacija, način rada i rukovođenje u Upravi policije utvrđen je tako da se osigurava:

- zakonitost i stručnost u obavljanju poslova i zadataka;
- efikasnost ostvarivanja zadataka;
- grupisanje policijskih poslova i zadataka i drugih poslova u skladu sa prirodom poslova i zadataka Uprave policije i načinom njihovog obavljanja;
- grupisanje poslova državnih službenika i namještenika prema njihovoj međusobnoj povezanosti i srodnosti, vrsti, obimu, stepenu složenosti, odgovornosti i drugim uslovima za njihovo obavljanje.
- ostvarivanje saradnje sa drugim institucijama i agencijama za provođenje zakona i pravosudnim organima.


2. REZULTATI RADA

2.1. OTKRIVANJE I RASVJETLJAVANJE KRIVIČNIH DJELA

U izvještajnom periodu Federalna uprava policije je poduzimala planske operativne mjere i radnje na sprečavanju i otkrivanju krivičnih djela i provođenju istraga organizovanog kriminala, terorizma, nelegalne proizvodnje i stavljanja u promet opojnih droga, međukantonalnog kriminala i drugih krivičnih djela u vezi sa navedenim vidovima kriminala kao i otkrivanje, pronalaženje i hvatanje počilaca navedenih krivičnih djela, te njihovo privođenje nadležnim organima, vršila uviđaje izvršenih krivičnih djela, prikupljanje dokaznih materijala i drugih tragova, kao i ostvarivanje policijske saradnje sa članicama INTERPOL-a, u okviru poslova iz svog djelokruga, te ostvarivanje saradnje sa pravosudnim organima, institucijama, agencijama i organima za provođenje zakona na svim nivoima u Bosni i Hercegovini.

U septembru 2022. godine, službenici Federalne uprave policije podnijeli su nadležnim tužilaštvima **29** službenih izvještaja o počinjenim krivičnim djelima kojima je obuhvaćeno **85** otkrivenih krivičnih djela, protiv **38** lica. Poredeći sa rezultatima rada iz istog perioda 2021. godine došlo je do smanjenja broja podnesenih izvještaja o počinjenom krivičnom djelu za **6** ili **17,1%**, kao i broja otkrivenih krivičnih djela koji je manji za **3** ili **7,3%**, dok je broj otkrivenih krivičnih djela veći za **7** ili **9,0%**.


	SEPTEMBAR 2021.	SEPTEMBAR 2022.	+/-	+/-%
Broj podnesenih izvještaja o počinjenim krivičnim djelima	35	29	-6	-17,1%
Broj otkrivenih krivičnih djela	78	85	7	9,0%
Broj prijavljenih lica	41	38	-3	-7,3%





PREGLED RADA PO OSNOVNIM ORGANIZACIONIM JEDINICAMA FEDERALNE UPRAVE POLICIJE

Posmatrajući rezultate rada osnovnih organizacionih jedinica u segmentima: podnesenih službenih izvještaja o počinjenom krivičnom djelu, broju prijavljenih krivičnih djela i broju prijavljenih lica, u septembru 2022. godine, evidentirano je povećanje u Terenskom uredu Mostar za područje Hercegovačko-neretvanskog kantona, Zapadnohercegovačkog kantona, Kantona 10 i Unsko-sanskog kantona;

NAZIV ORGANIZACIONE JEDINICE	Broj službenih izvještaja		Broj krivičnih djela		Broj prijavljenih lica	
	SEPTEMBAR 2021.	SEPTEMBAR 2022.	SEPTEMBAR 2021.	SEPTEMBAR 2022.	SEPTEMBAR 2021.	SEPTEMBAR 2022.
Federalna istražna služba kriminalističke policije	19	16	56	70	24	22
Sektor za podršku	1	2	3	2	1	1
Terenski ured Sarajevo	9	6	10	7	9	9
Terenski ured Mostar	4	4	4	5	4	4
Terenski ured Tuzla	2	1	5	1	3	2
UKUPNO	35	29	78	85	41	38






TABELARNI PREGLED PO ISTRAŽNIM ORGANIZACIONIM JEDINICAMA FEDERALNE UPRAVE POLICIJE

U okviru rada na otkrivanju i dokumentovanju krivičnih djela, te pronalaženju i privođenju počinitelaca, a u domenu zakonskih obaveza i nadležnosti, u izvještajnom periodu istražne organizacione jedinice Federalne uprave policije zaprimila je **181** naredbu / zahtjev nadležnih sudova / tužilaštava po kojima su postupali, **221** predmet / istrage koje su otvorene Odlukom o otvaranju predmeta, kao i **103** predmeta koji su u predistražnoj fazi, dok je u izvještajnom mjesecu bilo **5** aktivnost u vezi sa otvorenim istragama u kojima se primjenjuju posebne istražne radnje (PIR).


Istražna organizaciona jedinica - SEPTEMBAR 2022. -	Naredbe / zahtjevi sudova i tužilaštava	Operativno- taktičke akcije predmeti/istrage u kojima se primjenjuju PIR u izvještajnom periodu, a koje nisu okončane Izvještajem o počinjenom KD	Predmeti otvoreni odlukom o otvaranju predmeta	Predmeti u predistražnoj fazi rada
Federalna istražna služba kriminalističke policije	104	4	99	67
Sektor za podršku	16	0	27	1
Terenski ured Sarajevo	21	0	66	16
Terenski ured Mostar	31	1	27	2
Terenski ured Tuzla	9	0	2	17
UKUPNO	181	5	221	103




PROCESNE ISTRAŽNE RADNJE PO PREDMETIMA – USPOREDBA

U izvještajnom periodu organizacione jedinice Federalne uprave policije koje se bave istragama evidentirale su **21** izjavu uzetu od osumnjičenih, **187** izjava od svjedoka, **8** lica je lišeno slobode, te su izvršeni pretresi **12** objekata, odnosno putničkih motornih vozila, kao i 7 pretresa lica.

NAZIV ORGANIZACIONE JEDINICE	Broj uzetih izjava od osumnjičenih		Broj uzetih izjava od svjedoka		Broj lica lišenih slobode		Broj izvršenih pretresa objekata/p.m.v.		Broj izvršenih pretresa lica	
	SEPTEMBAR 2021.	SEPTEMBAR 2022.	SEPTEMBAR 2021.	SEPTEMBAR 2022.	SEPTEMBAR 2021.	SEPTEMBAR 2022.	SEPTEMBAR 2021.	SEPTEMBAR 2022.	SEPTEMBAR 2021.	SEPTEMBAR 2022.
Federalna istražna služba kriminalističke policije	15	8	78	111	0	7	0	7	2	7
Sektor za podršku	0	0	16	13	0	0	0	0	0	0
Terenski ured Sarajevo	6	7	10	37	1	0	1	0	2	0
Terenski ured Mostar	13	6	45	18	5	1	7	3	4	0
Terenski ured Tuzla	2	0	11	8	0	0	0	2	0	0
UKUPNO	36	21	160	187	6	8	8	12	8	7



Izvod iz Izvještaja o radu Federalne uprave policije za septembar 2022. godine



STRUKTURA OTKRIVENIH KRIVIČNIH DJELA I PRIJAVLJENIH LICA

FEDERALNA UPRAVA POLICIJE - SEPTEMBAR 2022.		
NAZIV KRIVIČNOG DJELA	UKUPNO PRIJAVLJENIH DJELA	UKUPNO PRIJAVLJENIH LICA
KZ BiH		
Čl. 173. Ratni zločin protiv civilnog stanovništva	1	1
Čl. 180. Individualna krivična odgovornost	1	0
KZ FBiH		
Čl. 166. u vezi sa Čl. 28. , Ubistvo u pokušaju	1	0
Čl. 238. Neovlašćena proizvodnja i stavljanje u promet opojnih droga	5	5
Čl.239.Posjedovanje i omogućavanje uživanja opojnih droga	2	2
Čl. 268. Obmana pri dobijanju kredita ili drugih pogodnosti	7	0
Čl. 290. Utaja	2	0
Čl. 294. Prijevара	9	7
Čl. 323. Izazivanje opće opasnosti	6	0
Čl. 342. Organizovani kriminal	6	6
Čl. 362. Nasilničko ponašanje	1	4
Čl.371.Nedozvoljeno držanje oružja ili eksplozivnih materija	7	1
Čl. 373. Krivotvorenje isprave	12	9
Čl. 375. Ovjeravanje neistinitog sadržaja	1	0
Čl. 383. Zloupotreba položaja ili ovlašćenja	2	2
Čl.389.Krivotvorenje službene isprave	2	1
Ostala KD prema KZ FBiH	8	0
KD iz drugih posebnih zakona (ukupno)	13	0
UKUPNO KZ BIH I KZ FBiH	86	38

PREGLED KRIVIČNIH DJELA PO ORGANIZACIONIM JEDINICAMA
FEDERALNE UPRAVE POLICIJE

FEDERALNA ISTRAŽNA SLUŽBA KRIMINALISTIČKE POLICIJE - SEPTEMBAR 2022.		
NAZIV KRIVIČNOG DJELA	UKUPNO PRIJAVLJENIH DJELA	UKUPNO PRIJAVLJENIH LICA
KZ FBIH		
Čl. 166. u vezi sa Čl. 28. , Ubistvo u pokušaju*	1	0
Čl. 238. Neovlašćena proizvodnja i stavljanje u promet opojnih droga	2	2
Čl.239.Posjedovanje i omogućavanje uživanja opojnih droga	2	2
Čl. 268. Obmana pri dobijanju kredita ili drugih pogodnosti	6	0
Čl. 290. Utaja	2	0
Čl. 294. Prijevarena	8	6
Čl. 323. Izazivanje opće opasnosti	6	0
Čl. 342. Organizovani kriminal	6	6
Čl.371.Nedozvoljeno držanje oružja ili eksplozivnih materija	7	1
Čl. 373. Krivotvorenje isprave	7	3
Čl. 375. Ovjeravanje neistinitog sadržaja	1	0
Čl. 383. Zloupotreba položaja ili ovlašćenja	1	1
Čl.389.Krivotvorenje službene isprave	1	1
Ostala KD prema KZ FBIH	8	0
KD iz drugih posebnih zakona (ukupno)	12	0
UKUPNO	70	22

TERENSKI URED SARAJEVO ZA PODRUČJE KANTONA SARAJEVO, BOSANSKO-PODRINJSKOG KANTONA, SREDNJOBOSANSKOG KANTONA I ZENIČKO-DOBOJSKOG KANTONA - SEPTEMBAR 2022.		
NAZIV KRIVIČNOG DJELA	UKUPNO PRIJAVLJENIH DJELA	UKUPNO PRIJAVLJENIH LICA
KZ FBIH		
Čl. 268. Obmana pri dobijanju kredita ili drugih pogodnosti	1	0
Čl. 294. Prijevarena	1	1
Čl. 362. Nasilničko ponašanje	1	4
Čl. 373. Krivotvorenje isprave	4	4
UKUPNO	7	9

TERENSKI URED MOSTAR ZA PODRUČJE UNSKO-SANSKOG, HERCEGOVAČKO-NERETVANSKOG, ZAPADNOHERCEGOVAČKOG KANTONA I KANTONA 10 - SEPTEMBAR 2022.		
NAZIV KRIVIČNOG DJELA	UKUPNO PRIJAVLJENIH DJELA	UKUPNO PRIJAVLJENIH LICA
KZ FBiH		
Čl. 238. Neovlašćena proizvodnja i stavljanje u promet opojnih droga	3	3
Čl. 383. Zloupotreba položaja ili ovlašćenja	1	1
KD iz drugih posebnih zakona (ukupno)	1	0
UKUPNO	5	4

TERENSKI URED TUZLA ZA PODRUČJE TUZLANSKOG I POSAVSKOG KANTONA - SEPTEMBAR 2022.		
NAZIV KRIVIČNOG DJELA	UKUPNO PRIJAVLJENIH DJELA	UKUPNO PRIJAVLJENIH LICA
KZ FBiH		
Čl. 373. Krivotvorenje isprave	1	2
Čl. 389. Krivotvorenje službene isprave	1	0
UKUPNO	1	2

SEKTOR ZA PODRŠKU - SEPTEMBAR 2022.		
NAZIV KRIVIČNOG DJELA	UKUPNO PRIJAVLJENIH DJELA	UKUPNO PRIJAVLJENIH LICA
KZ BiH		
Čl. 173. Ratni zločin protiv civilnog stanovništva	1	1
Čl. 180. Individualna krivična odgovornost	1	0
UKUPNO	2	1